

南

廂

志

欽定四庫全書總目

南廂志二十四卷

浙江汪啟淑家藏本

明黃佐撰佐有泰泉鄉禮已著錄南都太學建於明太祖吳元年景泰中祭酒吳節嘗撰志一十八卷嘉靖初祭酒崔銑重纂未就佐得其遺牘因復加修訂以吳志為本而增損成之凡事紀四職官表二雜考十二列傳六書法一準史例頗為詳備惟音樂考一門多泛論古樂皆佐一己之見於太學制度無涉殊失限斷其第十八卷經籍考當時以委助教梅鷟成之鷟學問淹貫故敘述亦具有本末書成於嘉靖二十二年而中

有萬厯中事蓋後人隨時續添者也

光緒元年八月於書肆中購得函為裝訂惜首卷為人塗抹殊可恨也浙西蔡給書識

右明黃佐南雁志二十四卷為蔡氏舊藏蔡氏為吾杭巨族科第蟬聯至今不絕此冊為萍鄉先生服官粵東時所得有光緒元年識語不知何時流落肆中壬辰春日得見于珠寶巷之修本堂亟購歸藏諸八十卷樓并錄四庫提要及朱述之先生跋語于卷端以見大畧丁巳丁記

南雍志二十四卷明高帝定鼎金陵洪武元年改京學為國子學轉博士
晉祭酒十五年改建於雞鳴山之陽三月初七日改國子學為國子監中
為彝倫堂分兩廳六堂三十二班以舊國子學為應天府儒學成祖永
樂元年二月庚戌初設北京國子監志名南雍者別於北京之稱也景
泰中祭酒吳節始創為志首之以紀事次職官表次為攷者六規制謨
訓禮儀音樂儲養經籍次之呂列傳終焉規制音樂仍畫為畫凡十
八卷嘉靖中祭酒黃佐重纂為二十四卷體例一仍其舊太學東堂
為齋宿所西堂為考課所祭酒廂房在東其連廟北向者為司業南廂
房西廂房為監丞總愆廳亦呼博士廳六堂在正堂之後率性脩道誠
心正義崇志廣業助教學正學錄分居之典簿廳在彝倫堂東近倉
三間以居典籍其左為掌饌廳前為儀門有進士題名碑四左有小門
下有進士題名碑前有東西井泉二東西書庫各七間各為樓街南有
國子監牌坊東西成賢街牌坊二座南成賢街牌坊一座與珍珠橋相連

敬一亭在廣業堂後嘉靖七年少師楊一清奏立有御製敬一碑御注
視聽言動心五箴光哲堂在議一亭後爲琉球國官生受業所居講院
在英靈坊東祭酒湛若水以故射圃隙地爲之正堂曰觀光堂屏刻心性
圖說中允呂懷于堂東立心統圖碑堂西立律呂古義齋祭酒程大德於
前建聚樂亭又前爲蓮池射圃司業王材題其門曰觀德門堂曰正直
堂又土橋名浴沂橋如此之類非披尋是志不能知也憶道光二十年余
與陳君宗彝吳君啟期遊普德寺遇樸夫指其菊曰國子監地諸君
不能解今觀此志有聚寶門外園地圖乃洪武間撥賜國子監園四
十二畝四季辨納瓜菜乃知野老之言有據也經籍攷天順年間官
書有二十一史分藏彙倫堂與六堂七處一百四十七部三千七百八十
本呂俊師生觀覽其十七史皆元建康道肅政廉訪使所得鼎本正
德十年刊補嘉靖七年校正補刊乃完其梓刻本末助教梅鷟盤板
分經子史文集類書韻書雜書石刻九類十三經注疏多皆宗元刻

六經正誤係元大德三年刊補金仁山論語集注考證二十卷多于今本止十卷元維山杜氏論語旁通今無傳唐書二百十五卷釋音二十五卷另編宋景定臨川志三十五卷宋靜江教授江文叔乾道桂林志二十七卷宋瑞陽志二十一卷又有新泉志俱佚其餘明人書多足備攷證二目錄家之所必考也石刻有唐同大字千字文杜環千字文金陵書家之遺蹟黃佐又有南雍條約一卷又崔銑南京國子監條例類編六本草稿二十二本南雍申教錄十五卷留都錄五卷皆與此志可互證俟訪之生徒之數洪武十五年官民生許恆等五百七十七名二十六年悅慈等八千一百二十四名永樂二十年冠帶舉人官民生方瑛等九千九百七十二名為極盛至宣德時漸少正統以後只二千餘名自此以後多者尚有六千五千餘名正德以後只有一千餘名至少至八百七十名雖北京分設大學然文教亦衰矣上元朱緒曾述之識

南靡志序

先王經綸之道親親尊賢而已矣由斯
二者施及朝廷邦國而一諸誠仲尼之
所以蓋魯哀者也然親愛欲其貴富而
尚德則否何者親務乎惇賢惡乎欲仁
義之施固爾殊也歲壬寅佐以侍讀魏
篆留院慨夫奢麗席寵之風大類東郊
綺食幾與王侯伍而縱談名理以相從

者又知浮于行而莫之内省其志是亦
貴富也已鎬京之教不其遠而思風切
之而無由越二載

詔晉佐諭德兼修撰入纂

玉牒仁親故也比其年秋南廡承乏復

詔往涖急成賢也佐何人斯經綸大經輒
叨與焉其奚以圖報稱哉夙夜惟不能

遵

成憲明彝倫是懼乃申五品條約進諸生
告之曰爲學求放心而已者也心放而
知求則必先明義利之辨焉義則循理
善之源也利則縱欲惡之源也此心常
覺利之終害而惟義所在則心日以收
善日以積美在其中矣書曰怙侈滅義
服美于人驕淫矜倖將由惡終雖收放
心閑之惟艱是先王典學見諸政令者

也夫崇習侈靡則制事亡一合宜者義
斯滅矣其端萌乎恥惡衣惡食而弗知
求美乎內故其服美則其氣盈其氣盈
則其情蕩其情蕩則其色莊其色莊則
其言肆氣盈曰驕情蕩曰淫色莊曰矜
言肆曰倖諸惡作而僂將隨之可豫知
也夫心放已久乃欲學以收之譬諸隄
壞水決又焉坊乎今之留都幾務叅於

元臣猶古保釐也紈繡羅縠是之自出
俗鮮由禮猶古世祿也都人士又僞以
率之亹亹談道義其實戚戚營利欲鳴
呼盍亦內省乎哉聖人之道得其傳者
顏與曾耳爲邦而問禮樂其志何如也
而簞瓢陋巷不改其樂絜矩以平天下
其志又何如也而履穿肘見歌聲若出
金石彼富貴何物足以易其內美也哉

我

皇上常製御箴以警儒臣曰卓爾之見一
貫之唯學聖君子勗哉勿僞大哉

皇言乎字十有六耳聖誠之幾包涵至道
與危微精一若合符節豈非于

帝其訓者乎會得故祭酒崔文敏公遺牘
于盆蠹中禮樂法制存焉乃與監丞趙
子恒博士王子製周子瑞助教梅子鵞

緒成之爲事紀四職官表二雜考十有二列傳六凡二十四卷諸生以姚讓故事各競梓之爰申畢命之義歸重于我皇極敷言嗚呼諸生其勗諸

嘉靖二十三年甲辰仲夏吉日朝列大夫南京國子祭酒南海黃佐序

南廳舊志序

鎬京辟廳詠於詩東膠瞽宗著於禮鴻都四門
之志備於史此皆古典所載卓乎足徵者也洪
惟本朝

太祖高皇帝龍飛之初以應天府庠爲國學與中都
國子相埒洪武十五年始相地於都城之北爲
國子監以聚天下之英材而二學遂革永樂初
太宗文皇帝駐

蹕金臺肇建兩京南北列爲二監而太學遂有定
制矣然二監雖竝列而治法本源實始于南景

泰初節備員長僚來執裸獻性資不敏勞於訪問未幾仰蒙

朝廷降旨修理廟學制度更新政暇與諸儒考求明制凡刵建之繇戒飭之

旨臨幸之儀與夫籩豆樂舞之數師生科目器服饌廩書籍詩文制作之懿有關於儒文者咸集錄之昀分爲一十八卷總題曰南離志所以備師儒之遺忘并以俟史氏採用於他日也志成義官姚讓過而閱之嘆曰成均之制盡於斯矣請受而刻之與儒碩共焉翌日遣其孫上舍淳

來曰梓已具矣願有序節聞太學者賢士之關
風化之原天下學校視以爲宗也然自三代以
下賢君不世有往往驚教養之虛名而歎乎實
效者多矣惟本朝

列聖相承德竝兩儀道光六合以君師政教之責爲
已任是以太學之教洋洋颯颯溢乎兩京都城
之表士之感蒙教育者咸盡心要領體用兼該
所以出而布列庶位者俱能體

國家化民成俗之意以安億兆以匡治平上足以
追蹤三代休明之盛其視漢唐宋養士昧於名

實者不足議爲矣然則今之良法美意與古先
帝王大學之道誠同符而合轍者也錄之以傳
不亦宜乎姚讓能取而梓之亦可見其敏於好
義者矣是用書其槩而序之

景泰七年丙子春二月朝議大夫南京國子祭
酒安成吳節序

纂修南廳志凡例

一纂修以史記爲法而微有異同以見志體首之以事紀法本紀也次之以職官表法年表也次爲考者六曰規制曰謨訓曰禮儀曰音樂曰儲養曰經籍法八書也次之以列傳終焉凡卷首俱有題辭詩文自

聖製外皆分註其下仍畫爲圖以見之此其與史微異者也志之體在識其事象如指諸掌故當爾也

一事紀如通鑑編年之法凡我

聖祖建國學以來崇儒重道興教育材賜賚黜陟建置因革臣僚建白人材登用等事皆遵

國史會典併本監條例案卷採及諸家文集各郡邑志與小說之可據者次第書之

一職官表堂上官爲上篇屬官爲下篇初設國子學爲正四品衙門其設官分職舊志不載今皆補入闕誤則據諸家文集一統志各省通志各郡邑志叅修其在北監者毋得混亂每書一年號于上則凡官其時者隨年月次第而列終於某官有可考者皆得附書畧有行誼採自志書

不足立傳者亦得附書

一規制考首載我

聖祖立國學制度爲總圖欽錄尊

先師明詔暨

列聖以來從祀及釐正稱號爲廟圖凡彝倫等堂以
及監中一應公宇爲學圖

皇上新創敬一亭啓聖祠則特表而出之皆爲圖祠
館有關涉者亦爲圖以附其後凡在監中者爲
上篇講院官宅號舍雖園囿草木不出規制之
外者皆得附書爲下篇

一謨訓考首載洪武間我

聖祖監規爲上篇次及

列聖玉音至於申明監規事宜亦得附書爲下篇

一禮儀考首載洪武間

聖祖視學儀注次用舊志視學釋奠釋菜等禮俱列
禮圖爲上篇復考古禮與太學相關者如養老
之類皆附書爲下篇

一音樂考首載大成釋奠樂隨八音爲圖譜上篇
次考古樂如大合樂八音律呂登歌間歌等詩
章爲圖譜下篇凡祭器樂器自昔相傳收在廟

庫者皆分禮樂各附於其類

一儲養考凡生徒歲報之數與進士題名及擢用
監生顯庸行誼可考者與援例因革查案卷文
冊書之爲上篇凡本監食庫錢糧品物器用爲
廩饌而設者與其因革事宜盡皆備載爲下篇
一經籍考官書以

御製爲先次及文史條例之屬有印識見在收貯者
爲上篇書版則分經史子集四部類書附於集
後爲下篇二項俱大書某書幾卷後如文獻通
考之法仍紀其源委殘闕之數

一列傳隨職官表次第先於卷首統書姓名然後
列書之傳後有論贊亦法史體也

南廳志引用書目

高皇帝御製文集

南廳舊志

大明會典

國子監條例

皇明政要

國初事蹟

大明一統志

景定建康志

金陵新志

南畿志

闕里志

山東通志

江西通志

河南總志

八閩通志

廣東通志

陝西通志

湖廣通志

廣西通志

四川總志

中都志

淮安志

姑蘇志

松江志

新安文獻志

徽州志

維揚志

杭州志

皇明名臣言行錄

國朝名臣琬琰錄

皇明文衡

陶學士集陶安著

宋學士集宋濂著

鳧藻集高啓著

誠意伯集劉基著

王文忠公集王禕著

西隱集宋訥著

始豐雜錄徐一夔著

蘇平仲集

蘇伯衡著

翠屏集

張以寧著

劉槎翁集

劉崧著

胡仲子集

胡翰著

滄螺集

孫大雅著

繼志齋集

王紳著

劉翰林集

劉三吾著

解學士集

解綰著

東里集

東里續集

俱楊士奇著

靜學集

王叔英著

胡文穆公集

胡廣著

楊文敏公集

楊榮著

金文靖公集

金幼孜著

楊文定公集

楊溥著

頤庵集

胡儼著

抑庵集

王直著

澹然集

陳敬宗著

石溪集

周敏著

兩谿集

劉球著

錢文肅公集

錢習禮著

頤庵集

鄒齊著

劉文介公集

劉儼著

東魯集

許彬著

王文肅公集

王側著

彭文憲公集

彭時著

尚約集

蕭鑑著

瓊臺類藁

丘濬著

彭文思公集

彭華著

澄江文集

戶直著

桃溪淨藁

謝鐸著

楊文懿公集

楊守陳著

懷麓堂藁

李東陽著

篁墩文集

程敏政著

楓山先生集

章懋著

一峯集

羅倫著

匏庵家藏集

吳寬著

碧川集

楊守直著

震澤先生集

王鏊著

白沙集

陳獻章著

定山集

莊景著

陽明集

王守仁著

聖謨衍

甘泉集

俱湛若水著

東廓文集

鄒守益著

沔陽志

童承敘著

三朝聖諭錄

楊士奇著

天順日錄

古穰雜錄

俱李賢著

燕對錄

李東陽著

南離志目錄

第一卷

事紀一

第二卷

事紀二

第三卷

事紀三

第四卷

事紀四

第五卷

職官表上

第六卷

職官表下

第七卷

規制考上

第八卷

規制考下

第九卷

謨訓考上

第十卷

謨訓考下

第十一卷

禮儀考上

第十二卷

禮儀考下

第十三卷

音樂考上

第十四卷

音樂考下

第十五卷

儲養考上

第十六卷

儲養考下

第十七卷

經籍考上

第十八卷

經籍考下

第十九卷

列傳一

第二十卷

列傳二

第二十一卷

列傳三

第二十二卷

列傳四

第二十三卷

列傳五

第二十四卷

列傳六

是志本前祭酒泰泉黃公所重纂詳辨宏博

足垂一代之典顧篇端猶蒙舊序余視事初
閱之惓然頃承侍御右坡趙君出泰泉所寄
序文乃知志成時公尋以憂去趙君爲公里
人蓋親見其脫藁而以無序爲闕事貽書促
之至是序始至立命刻置首簡俾覽者有考
焉而侍御君用意勤厚又不獨是書之幸也
謹并述以告來者嘉靖己酉五月望日建安
李默手識

南靡志卷第一

事紀一

嘗聞教化之行建首善自京師始故帝道肇于
成均王猷著乎辟靡冀方以及雍豫人文黎獻
蓋彬彬如也揚州以南其暨焉者耳孔子之道
昭于周末天下翕然宗之其弟子多顯于諸侯
然靡有載道而南者言偃雖奮于吳而絃歌乃
行乎中國逢辰闢繹豈有待而然與班生有言
漢承三季懸象闢而人文聿臻倫敷而舊章闕
故先命玄聖使綴學立制雖臯夔衡旦之輔比

茲編矣高帝過魯太牢一祀而國之命脉自茲
壽焉然詩書弗事庠序弗皇挾書除律表章六
經以娛孫子猶謂盛典況于丕揚其道者乎洪
惟我

聖祖逖蒙狄以復綱常肇建南靡化自吳始聲教四
達乎裨海之外雖五三六經之籍有靡得而言
者矣夫孔子道阨于時見而知之者終莫之顯
庸也詎知百世之後人文黎獻光弘遂初有如
今茲者於戲婉周邁漢云乎哉施于

列聖率由舊典遷都冀方敎道南準爰稽故實首述

事紀俾後有考焉

元祖高皇帝削平元亂歲甲辰春正月丙寅朔卽

吳王位建百司官屬擢詹同吳彤爲國子博士魏觀

吳琳爲國子助教令教胄子于內府嘗置諸左

右講誦經史尋皆遷去

同遷吏部考功郎中彤遷浙江嚴州府同知觀

琳俱遷浙江按察司僉事

歲乙巳九月丙辰朔置國子學以

元故集慶路儒學爲之設博士助教學正學錄

典樂典書典膳等官以許存仁爲博士李暉張

濟潘時英爲助教完哲爲學正鄭貫杜環爲學

錄張以誠爲典膳三月戊戌

上與許存仁論用人

上曰孟子言五百年必有王者興其間必有名世者
古之帝王君聖臣賢可以當之漢唐以下其君
臣何如存仁對曰

主上聖智神武天生不世之資以平禍亂今羣賢畢
出佐隆大業稽之于曆自宋太祖至今當五百
年之數定天下于一斯其時矣夏四月己巳以
前金谿丞朱夢炎爲博士秋七月甲申以蘇伯
衡爲學錄八月壬子命博士許存仁進講經史
存仁講尚書洪範至休徵咎徵之應

上曰天道微妙難知人事感通易見天人一理必以類應今宜體此下修人事上合天道然豈特爲人上者當勉哉爲人臣者亦當修省以輔其君上下交修格天之本也

丁未吳元年夏五月己亥以博士朱夢炎爲翰林國史院修撰秋七月乙亥朔先是命選道童俊秀者充樂舞生至是始集

上御戟門召學士朱升及范權領樂舞生入見設雅樂閱視之

上親擊石磬命升辨五音升不能審以宮音爲徵音

上詰責之起居注熊鼎對曰八音之中石最難和故
書曰於予擊石拊石百獸率舞

上曰石音固難和然樂以人聲爲主人聲和卽八音
和矣因命樂舞生登歌一曲

上復嘆曰古者作樂以和民聲格神感人而與天地
同其和近世儒者鮮知音律欲樂和難矣鼎復
對曰樂音不在外求之實在君心君心和則天
地之氣亦和天地之氣和則樂亦無不和矣

上深然之釋奠樂舞用道童自此始冬十月丙子定
國子學官制祭酒正四品司業正五品博士正

七品典簿正八品助教從八品學正正九品學
錄從九品典膳省計陞博士許存仁爲祭酒劉
丞直爲司業學錄蘇伯衡爲學正以陳世昌署
典簿陳宗義署博士高暉署助教張溥爲學錄
十一月許存仁奏請省募從之

上及

皇太子厚加賜賚

其璽送行計國賴師臣重人惟

流雅器全鐘與清發玉露私飾堂資勸獎鶴駕
屢淹留漸水杏馳夢秦淮夜發舟都門華帳席
先龍憶然杳森滄波滿迢迢翠峯幽寺倦踪
香逆報國意緱繆聖主多詢訪諸生待講求
重來愛春好
十二月丙午謁拜墓下竣事而還

則新送許祭酒還京師序元年冬詔崇國子
學大選儒臣以典教事于是許先生存仁以道
川之才名家之學簡在聖衷由博士超拜祭
酒先生既蒞職致詣于朝得歸省先墓之在
金華者乃十二月丙午謁拜墓下竣事戒行內
自京師外及邦人君子莫不喜聞快觀而稱願
之以爲間里之榮也邦家之光也斯文之幸也
翰雖衰病將別猶不能已其區區焉自昔帝王
之與順天應人以前有大造于海內士無貴賤無
小大無遠近咸有帝臣之願故智者效其謀勇
者陳其力術者技者殫竭其能憤憤角立一切
選聘以就功名其間充任道德之重膺師友之
選者計自漢唐以來幾何人也漢高帝以馬上
取天下若無事吾儒唐人宗卿從事吾儒求其
徑緯天人之故培植國家之本若房魏諸臣豈
當庶幾哉成周之風乎皇帝鑒觀古今當四方
用武之日卽以教國賢子爲先務先生在此皇
宮歷年既久啓迪弘多至于今茲遂長成均優
渥之恩特達之位人皆知先生之才之學足以
致之而無忝也翰于先生之歸嘗聞之曰吾起

諸生承輝明兩之間自視無他長惟一誠對
越耳然後知帝王經緯天人之故培植國家之
本有出于智力方術之外者又知先生所以所
師友之選任遠德之重非人所及知也此易所
謂樽酒簋二或用缶者輸也昔嘗受之先師而存
仁獨能紹而行之循是以往苟無替焉則問里
之榮邦家之光斯文之幸
也余將他日以爲先生賀

戊申
洪武元年春正月乙亥

上卽皇帝位定有天下之號曰大明國子學進賀登
極表曰寶曆在躬應千齡之上聖瑤圖啓運得
百姓之歡心

臨御云初謳歌爲盛中賀欽惟

皇帝陛下聰明天縱剛健日新仗尺劒以定羣雄道

符漢祖歷一紀而成大業功邁唐宗陶匏繭栗
以歲祀而上帝時歆詩書禮樂以造士而下民
祇若風行雷動敷治象于多方春育海涵播仁
聲于庶類仰正統之誕紹知景命之永延凡在
生成罔不慶賴臣等獲覩鉅典幸際昌期車同
軌書同文行同倫致治恭陳于善類黨有庠術
有序國有學敷言願贊于成能學正蘇伯衡之
辭也夏四月許存仁被劾謫韶州存仁名元以
字行浙之金華人祖謙學于金履祥得朱子之
傳學者稱白雲先生元末

上幸金華訪求其後召存仁未至而

乘輿已還乃驛赴京師一見與語大說曰何相見之晚也拜京學教授仍命入傳

皇太子及諸王已而改京學爲國子學拜博士晉祭酒奉燕閒備顧問啓沃論思宰見禮遇出入兩宮且垂十年自稽古禮文之事至于人材進退時政弛張無不預議及修舉廢墜更規設法以教國子條例數十事皆見施行會存仁嘗以學宮什器用諸私室言官以移用官物坐之章入上覽之笑而已適浙江僉事程孔昭劾奏存仁駐杭

娶妾飾床以象牙非師臣體乃

詔勿治安置韶州既至韶卽張文獻公祠以居好

事者繪爲南華謫居圖後遇赦還卒

蘇伯衡祭文略曰方

今弓旌四出招延英俊有如先生宜膺求舊之養而冠羣公以進撫胸中之蓄致君民于堯舜以增光前人而垂裕後胤奈何松栢之堅貞竟同蒲柳以摧隕國初事蹟謂存仁遇赦還家會使者祭越公胡大海自浙還京師奏言存仁安置人數詔書赦罪人非叔安置也遂逮存仁下獄病死據祭文似卒于家初無下獄之事故爲辯之

六月以太子賓客

梁貞兼祭酒

上命貞倣周制以六德六藝從容訓迪務底于成有

異才出類者卽奏聞擢用之秋八月丁丑遣官

釋奠于先師孔子初禮官奏周制凡始立學者
釋奠于先聖先師凡學春夏釋奠于先師秋冬
亦如之漢儒以先聖爲周公若孔子先師爲詩
書之官若禮有高唐生樂有制氏詩有毛公書
有伏生可以爲師者蓋四時之學將習其道故
釋奠各以其師而不及先聖惟春秋合樂則天
子視學有司總祭先聖先師是則漢時釋奠亦
略可知矣魏正始中使太常釋奠于辟廱晉釋
奠皆于國學東晉成穆孝武皆親釋奠隋制國
子監每歲四仲月上丁釋奠先聖先師州縣學

則用春秋仲月唐初釋奠儒官爲祭主直書博士姓名敢昭告于先聖許敬宗奏請令國子祭酒爲初獻詞稱皇帝謹遣仍令司業爲亞獻博士爲終獻縣則令爲初獻丞爲亞獻主簿及尉通爲終獻丞爲禮制武德貞觀中皆以二月親幸國子監釋奠開耀景龍中皆皇太子釋奠于太學開元中詔春秋釋奠以三公攝事著之常式若遇大祀則用仲丁州縣用上丁宋元因古禮而損益之今宜定制以仲春秋二上丁日降香遣官祀于國學以丞相初獻翰林學士亞

獻國子祭酒終獻

上然之至是遣官致祭是年令品官子弟及民間俊秀能通文義者充國子學生自是田野秀民執經就列與貴游齒者日盛有官生民生之目焉

凡無月日可考據者俱附書後倣此

配洪武二年春正月詔給國子生冬夏衣初國學既建諸博士皆就職胄子在內府者今布衣高啓謝徽敎之至是諸生方序立右順門內祭酒梁貞傳肯下曰勅諸生出受業大學遂皆趨出就班自是歲賜衣以爲常夏四月戊辰命博士

孔克仁等授

諸皇子經功臣子弟亦令入學

上諭之曰人有精金必求良冶而範之有美玉必求良工而琢之至于子弟有美質不求明師教之豈愛子弟不如金玉耶蓋師所以模範學者使之成器因其材力各俾造就朕諸子將有天下國家之責功臣子弟將有職任之寄教之之道當以正心爲本心正則萬事皆理矣苟導之不以其正爲衆欲所攻其害不可勝言卿等宜輔以實學毋徒効文士記誦詞章而已六月丁卯

上諭國子學官曰治天下以人材爲本人材以教導爲先今太學之教本之德行文以六藝者遵古制也人材之興將有其効夫山木之所生川水之所聚太學人材所出欲木之常茂者必培其根欲水之常流者必濬其源欲人材之盛必養其德性苟無作養之功而欲成其材譬猶壅百川而欲水流折方長而求大木其可得哉庚午上詔國子生問曰爾等讀書之餘習騎射否對曰皆習曰習熟否對曰未也乃諭之曰古之學者文足以經邦武足以戡亂故能出入將相安定社

稷今天下承平爾等雖務文學亦豈可忘武事
詩曰文武吉甫萬邦爲憲惟其有文武之材則
萬邦自以爲法矣爾等宜勉之冬十月辛巳

上諭中書省臣曰學校之教至元其弊極矣使先王
衣冠禮義之教混爲夷狄上下之間波頽風靡
故學校之教名存實亡況兵變以來人習于戰
鬪惟知干戈莫識俎豆朕恒謂治國之要教化
爲先教化之道學校爲本今京師雖有太學而
天下學校未興宜令郡縣皆立學禮延師儒教
授生徒以講論聖道使人日漸月化以復先王

之舊革汚染之習此最急務當速行之辛卯
詔天下郡縣學者專治一經以禮樂射御書數設
科分教務求實材奸頑不率者黜之是年擇國
子生試用之巡行列郡舉其職者竣事復命卽
擢行省左右叅政各道按察司僉事及知府等
官

庚戌洪武三年春正月以儒士李叔允爲博士二月
令工部製射器夏五月詔國子生及郡縣學生
員皆令習射

上以先王射禮久廢弧矢之事專習于武夫而文士

多所未解至是令凡遇郊廟之祭先期命文武

官執事行大射之禮命禮部考定其儀斟酌古

今繁簡適中頒射儀于官府學校遇朔則于公

廨或閑地習焉

編修高啓穀喻自先王之教廢文武貢途學者多不習弓矢之

事

皇上志復古治乃今年五月詔有司取士

兼試

以射及親祀方丘又戒百執事旅射于齋

官余當預綱進之未先祈與二三同列私肄于

成均之西園既設的後乃其强者寧然引滿一

發過之指的而詫曰是不足至也其弱者力橫

而不盈發則去的遠其投弓而嘆曰是不能至

彼也余最后扣矢鉤弦盡吾力而挽之僅及半

苟發則去的亦及半而墜心甚愧焉然不遂已

乃日強引之覺所引漸多所進漸益發則去的

亦漸近焉因竊有感曰夫百步之的所以節遠

近之中凡射者之所求至也而過者忽之不及

者沮焉強弱雖殊其不至則一也苟抑其過而

勉其所不及焉有不至哉是可以喻夫學矣聖人學者之詩書禮樂射者之弓矢也由詩書禮樂以求至乎聖人猶操弓矢以求至乎的也其驚高而失中過而忽之者也自畫而日退不及而沮焉者也不忽不沮循循然以求之欲不至乎聖人不能矣況聖人之道在身非有百步之遠欲求之卽至非有已亥詔設科取士自是力挽之難也可不勉哉

國子生得就京闈鄉試尋令連試三年自後三年一舉癸亥詔正祀典惟孔子封爵仍舊

見規制考

秋七月乙未晡時

御筆宣喚學正蘇伯衡書其姓名丙申早入見

上于奉天門擢翰林國史院編修辭疾不拜遂辭職歸養丞相以聞

上許之九月辛卯放太子賓客梁貞還田里貞字叔
亨紹興新昌人元至正中爲國子監生端慈寡
言時之碩儒多愛之由國子伴讀授太平路儒
學教授

上之克太平也貞與諸儒迎見所言輒援詩書有根
據

上說之命爲江南行省都事遷湖廣按察僉事兩浙
都轉鹽運使拜太子賓客日侍

太子讀書大本堂俄兼祭酒至是坐事放歸田里
後卒于家十二月辛酉以翰林國史院侍講學

士魏觀爲祭酒編修宋濂爲司業觀以太常卿改官翰林其階仍嘉議大夫凡文移稱魏嘉議

云是年設中都國子監

左鳳陽府

辛亥洪武四年春正月詔擇府州縣學諸生之俊秀通經者入國子學得陳如奎等二千七百二十八人

上令凡拔自學校高等者養其德器至于老成他日朝廷有大論建大製作則以畀之每試藝

上前居前列者必獎諭厚加錫予焉二月乙卯朔命中書省戶部定文武官祿祭酒二百七十石司

業一百八十石博士八十石典簿七十石助教

六十五石學正六十石學錄五十石癸酉策進

士于奉天殿以祭酒魏觀爲讀卷官癸酉二月十九日也

讀卷以觀爲首次則前太常博士孫吳與奉議大夫給事中李顏承直郎翰林修撰王愷四人

而巳次日午明外唱名張用黃榜蓋國初之制如此或以癸酉爲三月朔誤矣丁丑進

士吳伯宗等赴國子學行釋菜禮後遂著于令

夏四月祭酒魏觀與翰林國史院侍讀學士詹

同司業宋濂俱乞歸許之既行復召還

上親御奉天門賜燕倡和以爲樂秋八月京闈鄉試

以兵部尚書吳琳及司業宋濂爲考試官癸巳

降魏觀爲江西龍南縣知縣宋濂爲直隸安遠縣知縣坐考祭孔子禮稽緩故也濂嘗上孔子

廟堂議

見本傳

上不從其言冬十一月己未召觀濂還京師皆以爲

禮部主事

自是年至十一年祭酒司業陞除國史不載

觀字起山武

昌蒲圻人初以文學薦爲助教遷浙江提刑按察司僉事吳元年遷兩淮都轉運使入爲起居注洪武三年正月陞太常卿七月轉翰林侍讀學士遂拜祭酒左遷五年三月出知蘇州府明教化正風俗郡中翕然六年三月陞四川叅政

未行仍留治蘇後坐事卒

上親爲文遣官祭之

壬洪武五年春正月令公侯伯及武官子弟承襲
年幼者入國子學讀書夏四月以國子生王鐸
攝監察御史初

上命祭酒司業選鐸等侍讀

王宮至是試用之鐸能其官擢浙江布政司左叅
政五月丁巳有事于方丘

上命兵部尚書吳琳禮部主事宋濂選文學能賦之
士以從學正夏閱學錄蕭執與焉國子官得從

車駕始此

語在肅
執傳

冬十月天下貢士至京師

上令選其年少者得黃昶等令入國子學讀書講明

律令

癸丑

洪武六年春正月召儒士趙俶錢宰貝瓊鄭濤

至京師授俶博士宰及瓊皆助教濤學正三月

癸卯朔博士李叔允助教朱復同翰林諸臣採

摭漢唐以來藩王善惡可爲勸戒者爲書以進

名曰昭鑒錄國學官預纂修始此夏五月壬寅

朔以河南府學訓導開濟爲助教濟尋以病謁

告留京師治之凡六月不愈乃遣歸秋八月庚

午朔翰林國史院學士承旨詹同侍講學士樂韶鳳等上所制釋奠先師孔子樂章先是洪武初元開局校正音樂中書省禮部選通曉音樂者以聞乃令同及太常少卿陳昧協律郎冷謙侍制王僕及儒士熊太古等奉

命審音撰詞至是章成上之

見音考

於是禮部尚書

牛諒復以所定禮儀進自遣官傳制以至行事皆典儀唱禮迎神三獻撤饌皆奏樂用同等所定樂章

制曰可

見禮儀考世謂樂出于陶凱非是

丁丑遣御史大夫陳寧

釋奠于先師孔子時丞相胡庸言誠意伯劉基
叅政馮冕等不陪祭而受胙

上聞之曰基等學聖人之道而不陪祀使弗學者何
以勸旣不與祭而享其胙於禮可乎其武人不
知理道者皆不足責命停基冕俸各一月寧坐
不舉亦停俸半月自是不與祭者不頒胙甲申
博士趙俶等朝于

奉天殿

上召至御前命之曰爾等一以孔子所定經書誨諸
生若蘇秦張儀繇戰國尚詐故得行其術宜戒

勿讀倣等頓首受命而退九月壬寅纂修日曆
選善書者謄寫國子生陳益暘等與焉是年

詔科舉暫且停罷令有司察舉賢才必以德行為
本文藝次之仍令吏部選國子生之成材者與
所舉俱參用量材授主事給事中御史等官

甲寅洪武七年春

詔丞相御史擇國子生質美而能文者得郎敏等
三十有五人命博士趙倣等親與之講說日程
其業而歲望其成丞相召諸生諭

上旨曰古之有文學者自游夏以降若漢司馬遷班

固唐韓愈宋歐陽修蘇軾皆傑然自立于世後
世從而師之至今不衰諸生天賦何異斯人哉
烏可以不勉皆謝而退初鄉貢舉人未及會試
上召試便殿命題賦詩以張唯一璉等爲編修入禁
中文華堂肄業修辭方徵彭通等爲給事中入
武英堂載筆紀事至是復擇倅等所教國子生
年少聰明者李擴等入二堂說書謂之小秀才
甚見寵遇

乙卯洪武八年春二月壬寅以張迥高達善黃琮張
美和爲助教李叔荆爲學正三月戊辰命丞相

往國子學考校老成端正學博經通者分教天下令郡縣廣其生徒而立學焉又命御史臺精選以分教北方

上諭之曰致治在于善俗善俗本于教化教化行雖閭閻可使爲君子教化廢雖中材或墜于小人近北方喪亂之餘人鮮知學欲求多聞之士甚不易得今太學諸生中年長學優者卿宜選取俾往北方各郡分教庶使人知務學賢才可興于是選國子生林伯雲等三百六十六人給廩食賜衣服而遣之丙子以前貢士胡隆成爲助

教夏六月丁酉以李擴等爲監察御史

上以擴及郎敏等在文華武英二堂學業日進宜職

清要故擢用之

擴後改給事中兼齊王相府錄事敏由紀事武英堂除授後知

饒州府

丙申洪武九年春三月丙子以武英堂紀事國子生

黃義爲湖廣行省叅政趙信爲考功監丞夏六

月召前翰林國史院學士樂韶鳳爲司業秋九

月甲子遣國子生往陝西祭平涼衛指揮秦虎

國子生奉

命出使自此始尋

命國子生分行列郡集事之未完者如古行人之
職皆量道路遠近賜鈔爲費而遣之冬十一月
丙申御史臺奏博士趙俶年踰七十願放還田
里

上可其奏加俶官爲翰林待制勅吏部給以誥命致
仕賜錢二十五緡爲道里費以行是年

召許存禮爲北平教授故祭酒存仁之弟也

丁巳洪武十年春正月國子生試用于列郡者皆授
縣丞主簿人賜夏衣一襲寶鈔三十貫

命中書省臣凡有親在者量程給假歸省然後之

官二月

召前學正蘇伯衡至京師以翰林學士承旨宋濂
薦以自代故也伯衡復以疾辭賜官段表裏各
一鈔一十貫遣歸三月己卯朔助教錢宰請老
上許之勅授文林郎國子博士致仕歸教其鄉見本傳
癸未以前開封知府趙新爲助教秋八月庚申
助教趙新考社稷禮儀不于

朝堂對奏罪當杖

上宥之冬十月召國子生分教郡縣者還京師令吏
部擢用時林伯雲自陳年少乞省親

上從其請

誠意伯劉基送林生省親歸黃巖詩生兒

相出白屋志士寧甘守環堵天上巽宮占庠序
濟濟衣冠鶴鷺羽學業須兼文與武濟川期舟
早期雨懸髻看書困不眠幼心問道饑忘咀朝
來忽觀林間鵲雖飛哺毋聲啞啞慨想高堂缺
溫清稽首天閣動天聽香烟蒼茫春樹綠
水煖芹芽白如玉扁舟蕩漾駛歸風綵服飄揚
炫晴旭盈門弱柳鶯黃絲鶯鳴如絃花滿枝開
門見兒喜不定問言執手仍牽衣牽衣上堂拜
嘉慶邊豆既具殺且時兒前勸酒還蹈舞親戚
滿筵誰笑語朱顏婉婉暎青松鶴髮嬋娟照芳
醕爲子歌一曲送子江之涘到家早來旋勿爲
兒女慈人生有親樂莫樂況乃君恩重山岳
讀書不可迂檢身不可踈勸子慎勿學世儒變
言恥行名爲愚君不見良金鑄爲器鼎彝亨飪
干將利才全德備稱大
賢執國榮親兩無愧

戊午洪武十一年春三月丁亥以前禮部員外郎吳

伯宗爲助教令于

東宮進講首陳正心誠意之說

皇太子嘉納之秋九月賜中都國子助教貝瓊致仕是年以助教張美和爲翰林國史院編修

已洪武十二年春二月辛亥召前丹徒知縣李思迪爲助教思迪濟南人登元進士第爲國子助教洪武元年以故官入京授起居注六遷至山西行省叅政以事降丹徒縣知縣坐失入人罪安置閩中至是

上勅中書曰思迪爲縣無貪墨其守可嘉偶爲奸吏

所欺致失入人罪竄居炎方已數年矣可特召
還俾訓國子三月丙申陞司業樂韶鳳爲祭酒
勅諭之曰文廟所以尊先師也因之而國學建焉
古先哲王必求名儒爲之師表以教國子與公
卿大夫之子及民間之俊秀其任甚不輕也爾
國子司業樂韶鳳學充德茂足以模範後學故
特陞爾爲國子祭酒爾其遵先聖之道以訓後
學務使成材以資任用懋哉夏五月東宮文學
傅藻纂修春秋本末成

上命翰林典籍劉仲質及助教儲惟德校正官國子

者預校書始此

上聽朝之暇延諸儒臣賜坐便殿講論治道時國子學官李思迪馬懿緘默不言

上惡之

勅諭國子師生曰賢者以學爲本推而行之誠實無僞有裨于國家善名立而無愧于所學若懷自私上無助于君下無益于世朕何賴焉如李思迪馬懿者朕日召同游期在啓沃乃終日緘默及遣侍東宮欲其發明古先帝王之道匡弼以成其德器而緘默無異事朕之時其懷詐甚

矣孔子入周廟見金人三緘其口蓋謂非法之言耳若道理之辭果宜禁乎朕諭爾等自今爲師者必盡其師之職學者必盡其學之道慎無如李思迪馬懿之爲也

條例誤在十五年二月

上以國子生多未仕者謂中書省臣曰朕甚欲尊顯諸生慮其未悉朕意且諸生入學之日久矣其令歸省其親賜其父母帛各四疋有妻孥者携以來月與粟錢務得其歡心勿惜有司費於是王文問等一百三十四人皆告歸有司如詔賚之閏五月助教吳伯宗奏請省親

上許之令無過四閱月

九月十八日還學復職

秋七月壬子昉

教馬從龍上表自陳年老多疾不堪任事乞還

鄉里

詔循例增秩以翰林應奉致仕賜道里費

庚申洪武十三年夏四月庚午以助教吳伯宗爲翰

林國史院典籍壬申助教聶鉉以老疾賜歸

本見

傳冬十一月丙辰以儒士宋訥教諭楊盤爲助

教儒士張叔廉爲學正初四輔官王本等薦訥

等學行宜訓國子遂召用之是年祭酒樂韶鳳

以病免韶鳳字子善滁州全椒人洪武初以薦

授起居注遷中書左司員外郎陞兵部尚書六年改侍講學士嘗編集洪武正韻凡禮樂諸製作皆與焉每有陳說

上多從之後以病免歸復起爲司業遂進祭酒至是雷震奉天殿

上以群臣多不職斥罷之而韶鳳復以病免歸云

辛酉

洪武十四年春正月乙巳以助教趙新爲山西

布政使郝仲誠爲陝西布政使司左叅政馬懿爲江西布政使司左叅議王景範爲湖廣布政使司右叅政試司業張勵爲山東布政使司右

致仕禮部侍郎劉崧爲司業

曰朕聞古者賢能之臣人君不忍其去以其有益于國也朕所用非人致災異疊見賢才避位卿亦其忍去哉今特遣行人召爾敬爲國子祭酒崧爲國子司業其來毋稽辛亥起致仕四輔官龔穀吳源

諭之曰曩者朝臣薦卿學行故召卿至廷官以
四輔而卿乃告老遂命還鄉今朕命公侯子弟
讀書字而司業員缺生徒無所矜式卿其爲

朕一未主以講道授經無奔趨筋力之勞而有
成就後學之美亦儒者素志也其來母有所讓
癸丑賜祭酒李敬司業劉崧鞍馬夏四月丙辰
朔命國子生兼讀劉向說苑及律令

上諭祭酒李敬曰士之爲學貴于知古今窮物理聖
經賢傳學者所必習若說苑一書劉向之所論
次多載前言往行善善惡惡昭然于方冊之間
嘗以暇時觀之深有勸戒至于律令載國家法
制參酌古今之宜觀之者亦可以遠刑辟卿以
朕命導諸生讀經史之暇兼讀說苑講律令必

有所益己未國子司業前禮部侍郎劉崧卒

上親爲文祭之令有司殯殮備禮歸葬

見本傳

詔改建國學于鷄鳴山之陽

上親往視乃定制度令工部尚書陳恭選材鳩工金
吾前衛指揮譚格督之秋七月給國子生鈔人
二錠製秋衣八月癸丑朔以國子生茹璠爲承
勅郎丁巳命祭酒李敬釋奠于先師孔子九月
辛丑以學正李叔荆爲翰林院編修冬十月以
吳源爲司業龔穀爲博士源尋卒源字性傳興
化莆田人洪武初以明經除興化府學教授十

三年門生中書舍人林廷綱薦

召詣闕登對首以得賢才敦教化養黎元爲圖治之本

上嘉納之拜四輔官兼太子賓客踰月以老告歸至是起爲司業卒于官所著有文集二十卷蒲陽名公事述三編尋更定官品員數祭酒一人從四品司業二人正六品監丞二人正八品博士五人助教十五人典簿一人俱從八品學正十人正九品學錄七人典籍一人俱從九品掌饌二人雜職中都國子學設祭酒司業監丞博士

典簿學正學錄掌饌各一人助教二人品秩與
在京同祭酒李敬有罪免是年令定撥菜地量
畝供菜給國子師生用膳夫令應天府僉撥尋
令兼用工役囚人

壬戌洪武十五年春正月甲午作先師孔子廟乙未
禮部以州縣所貢弟子員推選未至奏令各按
察司於年二十以上厚重端秀者務拔其尤歲
貢一人入監從之遂著爲令三月丙辰改國子
學爲國子監初定監規九條已而

勅諭監丞專掌罪罰諸生之不守學規者毋得署

錢糧文卷典簿專掌錢糧文卷毋得輒罪生員
掌饌則專掌師生飲食而已若提督養牲供食
灑掃堂舍則監丞典簿掌饌皆與焉囚徒膳夫
不聽使令有誤飲食者再犯笞五十三犯處斬
盜物者割其足筋若管束不嚴其刑杖一百有
通外人盜監中諸物者處斬發其家口安置雲
南又令本監行移有徑呈六部堂上者典簿毋
預丁巳以典籍吳伯宗爲司業署監事固辭不
拜

上怒曰奸猾乃爾抗拒耶貶陝西金縣儒學教諭尋

召還以爲檢討進武英殿大學士夏四月丙戌
詔天下通祀孔子賜學糧增師生廩膳

上諭禮部尚書劉仲質曰孔子明帝王之道以教後
世使君君臣臣父父子子綱常以正彝倫攸敘
其功參乎天地今天下郡縣廟學並建而報祀
之禮止行京師豈非缺典卿與儒臣其定釋奠
禮儀頒之天下學校今以每歲春秋仲月通祀
孔子癸卯以儒士吳顥爲祭酒

上諭之曰國子學者天下賢才所萃而四方之所取
正必師道嚴而後模範正師道不立則教化不

行天下四方何所取則卿宜崇德重義正身率
下俾諸生有所模範若徒以文辭爲務記誦爲
能則非所以爲教矣夫鍾鼓揚則聞于遠德義
著則人樂從爾其慎之勉副朕意五月國子監
落成自經始以來

車駕臨視者數次規摹閎壯前代所未有也丁巳
上謂禮部尚書劉仲質曰國學新成朕將釋菜令諸
儒議禮議者曰孔子雖聖人臣也禮宜一奠而
再拜朕以爲孔子明道德以教後世豈可以職
位論哉昔周太祖如孔子祠將拜左右曰孔子

陪臣不宜拜周太祖曰百世帝王之師敢不拜乎遂再拜朕深嘉其明斷不惑于左右之言今朕有天下敬禮百神於先師之禮宜加尊仲質乃與儒臣定議

上服皮弁服執圭詣先師再拜獻爵後又再拜退易服詣彝倫堂祭酒司業博士助教進講賜坐侍臣以次坐于東西講畢

宣諭學官諸生而還明日祭酒率學官上表謝上從之己未遣官祭先師孔子以太牢禮畢祭酒吳顯等升堂諸生受業乙丑

上遂幸國子監謁先師孔子釋菜禮成退

御講筵祭酒吳顥等以次誥畢

上謂之曰中正之道無踰于儒上古聖人不以儒名而德行實儒後世儒之名立雖有儒名或無其實孔子生于周末身儒道行儒行立儒教率天下後世之人皆欲其中正惜乎魯國君臣無能用之者當時獨一公父文伯之母知其賢責其子之不能從則一國君臣可媿矣卿等爲師表正當以孔子之道爲教使諸生咸趨乎正則朝廷得人矣復命取尚書大禹臯陶謨洪範

親爲講說反覆開論羣臣聞者莫不悚悅遂

賜宴竟日而還丙寅祭酒吳頤率博士龔敷等上
表謝各

賜羅水二襲官民生許恒等四百三十人各

賜青夏布衣丙子禮部尚書劉仲質奉

勅梓成學規頒給諸生六月戊寅朔

勅諭國子監生曰仲尼之道上師天子下教臣民

自漢及今未有逾斯道而能久朕統一寰宇君

主斯民切惟學校國之首務乃今年春命工曹

構廟學五越月而成於是博選師儒教訓生徒

期在育君子以履仲尼之道助我後嗣以安天下蒼生苟教之不以其道學之不盡其心則恐養非君子用非賢人徒勞民供無益國家爾諸學者當謙柔恭謹存禮義之勇去血氣之剛特守仲尼四句之訓積日經旬以踰歲月不變其所學則賢人君子矣由是出爲國用致君于堯舜躋民于雍熙顯揚其親永世不磨豈不偉哉宜體朕意立乃志務乃學正爾威儀慎爾言語勉務進修無間晝夜講于友必正道以相輔問于師必致恭而聽受有非此禮者監丞糾之毋

忽已卯命翰林院學士宋訥撰勅建太學之碑

丙戌命立正祀典詔書碑于先師廟前秋七月

已酉以博士龔敦爲左司業奏定節假事例行

之正月年假初一至初五日燈綬十一至二十
日二月祭祀前二日後一日三月清明假一

日五端午陽并前一日七月七夕一日中元前

一日八月中秋前一日九月重陽一日十一月

冬至前三日後二日十二月年假大盡二十五

日小盡二十四日如遇萬壽聖節千秋令

節并送表箋迎候一日詔
乙亥起前助教開濟試刑部尚書九月以翰林

院檢討王嘉會爲右司業冬十一月壬戌
上命禮部官修治國子監舊藏書板諭之曰古先聖

賢立言以教後世所存者書而已朕每觀書自
覺有益嘗以諭徐達達亦好學親儒生囊書自
隨蓋讀書窮理于日用事物之間自然見得道
理分明所行不至差謬書之所以有益于人也
如此今國子監所藏舊書板多殘缺其令諸儒
考補命工部督匠修治之庶有資于學者是年
令監生病故者有司給棺具歸其喪

癸亥洪武十六年正月乙卯

賜祭酒吳顥等及監生沈翥等七百六十六人元
宵節鈔有差丁已免祭酒吳顥還鄉時武官子

第有怠于學者願以寬縱不能繩檢故免之願
字伯昂河南歸德州人容貌魁偉十四年祭酒
李敬坐事得罪願以儒士舉至京師特命爲祭
酒至是免後以疾終于家壬戌以文淵閣大學
士宋訥爲祭酒

勅諭之曰太學天下賢關禮義所由出人材所由
興自建學以來歷選師儒以居是職至今未臻
其効豈士習之難變與抑師道之不立與此朕
所以夙夜究心慎擇老成以任之惟卿宿學者
德可以任此故命爲祭酒尚體朕立教之意使

諸生有成士習丕變國家其有賴焉卿其勉之
於是令祭酒朔望行釋菜禮設置五經博士定
擬學規是日晚朝諫院左司諫兼春坊左庶子
劉靖等翰林院侍講學士李翀等於東苑奏聞
癸亥

上命太師韓國公李善長禮部尚書任昂及諫院翰
林院等官往監考定教官生員高下分列班次
規矩煥然明備於是奸弊盡革增立監規八條
上慮武臣子弟頑梗繩愆慝不能朴罰乃命曹國公
李文忠兼領國子監事

諭之曰國學爲育才之地公侯之子第咸在焉雖
講授有師然貴游子弟非得威望重臣以蒞之
則恐怠于務學故特命卿兼蒞其事必特加勸
勵俾有成就文忠受命朴罰違教者士皆讐服
尋遘疾薨二月丙申命試天下學校歲貢生員
以前此入監者多庸材故也時諫院右司諫兼
春坊右庶子關賢言國朝崇尚儒術春秋祭享
先師內外費至鉅萬尊師之道可謂隆矣天下
生員歲給廩米亦數萬石養賢之禮可謂厚矣
今又建太學聚天下英才以教育之期爲國家

用也柰何所司非人師道不立平居教養既無其法及至選貢賢愚混淆至有缺員又或府選于州州選于縣政使爲師者不能各任其責甚至布政司按察司將俊秀有學問生員選充承差有乖

朝廷育才之意今宜令府州縣學歲貢生員各一人如考試中式則賞及所司教官否則所司論如律教官訓導停其廩祿生員罰爲吏如是則士有勸懲學有成效從之

命禮部榜諭天下府州縣學自明年爲始歲貢生

員各一人正月至京師從翰林院試經義四書義各一道判語一條中式者入國子監不中者罰之秋八月以翰林院侍書吳沉爲博士沉爲東閣大學士進講後期考功監劾之降侍書尋有是命冬十一月

詔定朝叅官員坐次凡

奉天門賜坐祭酒序于翰林院官諫官僉都御史之上坐于西角門東向若

華蓋殿序坐亦如之坐于鹿頂外東西相向是年令考中歲貢生員送監再考等第分堂肄業仍

令監生入監三年有父母者照地遠近定限歸省其欲挈家及成婚者亦如之俱不許過限父母喪照例丁憂伯叔兄長喪而無子者亦許立限奔喪

甲子洪武十七年春二月丙寅以博士賀貫為陝西布政使司右叅政學錄劉修為山東布政使司右叅政三月戊戌朔命禮部頒行科舉成式凡三年大比子午卯酉年鄉試辰戌丑未年會試舉人不拘額數從實充貢

鄉試八月初九日第一場四書義三道每道二百字以上經義四道每道三百字以上未能者許各減一道四書義主朱子集註經義詩

主朱子集傳易主程朱傳義書主蔡氏傳及古
註疏春秋主左氏公羊穀梁胡氏張洽傳禮記
主古註疏十二日第二場試論一道三百字以
上判語五道詔語章表內利一道十五日第三
場試經史策五道未能者許減其二俱三百字
以上次年禮部會試以二月初九日十二日十
五日為三場所考文字與鄉試同鄉試直隸府
州縣判于應天府存外府州縣則于各布政司
祭酒司業擇國子生之性資敦厚文行可稱者

應之

國子生及府州縣學生員之學成者儒士

其學校訓導專教生徒及罷閒官吏娼優隸卒
之家與屈父母喪者並不許入試其中武者官
給廩傳送禮部會試夏六月辛巳

命禮部製大成樂器以頒天下儒學一以國子監

樂器為準

見春秋七月癸丑司業王嘉會卒厚

卹其喪

命所在官司祭之甲寅遣助教楊盤使安南征糧
餉助雲南兵食歲終還自安南冬十一月日南
至賜國子監師生寶鈔有差是年國子生升至
率性堂者入試

文淵閣擢楊文忠爲首除永福縣丞

乙丑洪武十八年春正月召前助教聶鉉至京師二

月會試以翰林院待詔朱善及鉉爲考試官比

揭榜國子生多在前列

會試黃子澄第一殿試
丁顯練子寧居首甲俱

生監

上大喜陞善爲文淵閣大學士欲用鉉鉉辭以老乃

授廬陵縣學教諭終身甲辰

上以當春久雨陰晦間雪電而雷乃諭中外百司凡

軍民利病政事得失條陳以進下至編民卒伍

皆得盡言於是祭酒宋訥獻守邊策見本傳博士

高允憲言一事黜陟幽明國家盛典朝廷設方

下采俗九重豈能悉知其才而命之宜如漢

故事察其節行卓異政事公平者增秩賜金以

寵擢之或有公過亦姑宥之其貪汚闇詐者斥

逐之苛刻雪民廢法不奉公者誅戮之如是則

賢者知所勸不肖者知所戒人學正陳潛夫言

人有古循良之治而天下理矣學正陳潛夫言

四事

自昔以爲難得一曰獎直臣以來忠諫夫進言無隱之臣

忠之士罔不思盡其心矣二曰簡師儒以廣賢才夫師者所以模範後進師道立則善人多善人多則天下治所繫為甚重今天下人才所賴以有成者惟此而已必得經明行修之士以為師範則賢才輩出矣三曰勵廉耻以厚風俗人不不知耻則靡所不為雖繩之以法猶不知改惟養其廉耻使皆知愧省則自不犯于有司特見刑措不用而民風厚矣四曰審人才以求實效夫一人之才器各有長固不可以繁論而求備于一人也內外百官量其才之高下而任之則庶乎咸稱厥職而可以責成功矣

上皆嘉納之三月壬戌朔令會試下第舉人送監卒業尋

賜官民生夏布各五疋乙亥禮部奏言舉人李問會試懷挾文字扶出請治罪

上命發回原籍殿一舉丙子以進士鄒仲實爲助教
丁丑工役囚人應當膳夫者悉令釋放詔應天
府撥廚役人夫克之夏四月丁酉吏部尚書余
燦以罪誅時祭酒宋訥教範嚴厲爲衆所嫉學
錄金文徵與燦同鄉里謀逐之以訥年老移文
令致仕訥陞辭

上驚問故訥曰非臣本意乃鞫所由燦吐實

上怒燦專擅威福并文徵等誅之而

勅諭訥曰君子之道猶嘉穀小人之道猶稂莠二
者並有世所不免雖然天相德人猶扶植嘉穀

故其道堅而不磨彼小人之所爲自漸盡矣卿
勿爲是而替威儀必竭乃心力奉

勅如故辛丑令六月至七月天氣炎熱免監生夜
誦不支燈油中都國子監亦如之六月辛卯朔
榜金文徵等罪狀于國子監遂定卹死之令初
文徵言宋訥過嚴致監生有餓死者

上怒曰祭酒本提大綱監生餓死罪坐親教之師爾
乃敢厚誣耶旣誅後仍圖形榜示以昭其惡遂
令監生患病官給醫藥久病不痊者遣行人送
還其家俟愈入監經過所司供藥物死亡者給

棺殮之仍歸其喪於是與簿牘倬隨太師韓國公李善長禮部試侍郎章祥奏言在監病故者惟令應天府給與棺木遞送還鄉從之冬十月令監生有父母年老無次丁者許還原籍侍養其妻死子幼者許送還鄉給與脚力立限還監違者罰之

丙寅洪武十九年春正月以

御製大誥頒賜監生二月丁亥朔遣官釋奠于先師孔子夏四月丙午吏部奏用監生十四人皆爲六品以下官

上諭之曰事君之道惟盡忠不欺治民之道惟至公
無私凡一郡一邑之民必有饑寒不得其所者
有獄訟冤抑者有賢才不舉者有豪猾蠹民者
汝等到任能不爲私欲所蔽人言所惑則方寸
自明而諸弊可息一牽于私欲而惑于人言則
冥如坐暗室饑寒者無由獲濟冤抑者無由伸
理賢才壅閉豪猾縱橫則爲廢職矣古人有言
人始入官如入暗室久而方明明乃治矣汝等
切記之毋爲人蔽惑也五月
上以天下郡縣多吏弊民蠹皆由雜流得爲牧民官

乃命祭酒司業擇監生千餘人送吏部除授知
州知縣等職秋七月丁丑博士吳沉以老疾乞
致仕許之九月

萬壽聖節賜國子師生寶鈔各五錠

丁卯洪武二十年春二月戊子魚鱗圖冊成先是

上命戶部覈實天下土田而蘇松富民畏避徭役以
土產詭寄親鄰佃僕相習成風奸弊百出於是
富者愈富貧者愈貧

上聞之遣國子生武淳等徃隨稅糧多寡定爲幾區
每區設糧長四人使集里甲耆民躬履田畝以

量度之量其方圓次其字號悉書主名及丈尺
四至編類爲冊繪狀若魚鱗然故名至是浙江
布政使司及直隸蘇州等府縣冊成進呈

上喜賜淳等鈔錠有差三月戊辰監生古朴奏言家
貧願仕冀得祿以養母

上嘉之除工部主事迎養就京師夏四月丙申有國
子生初任陝西知縣或告其嘗受民財者刑部
逮問之比至

上謂之曰難得者爵祿易得者貨賄難得者守之則
獲福易得者溺之則受禍爾以書生受民社之

寄古稱郎官出宰百里上應列宿誠難得也苟能思其所難得而保之豈特爲一身之福施及父母妻子其福莫大焉乃不能廉潔以律已受汚辱之名以爲父母羞朕念爾年少更事未多特宥還爾其改過自新力行爲善庶有力于將來閏六月辛未禮部啓言監生患病數多行太醫院撥良醫四名看治署太醫院事御醫李源啓稱差撥不敷

皇太子御文華殿召禮科令應天府使正科兼撥源又啓關與藥餌從之秋七月戊寅朔令太醫

院遣醫士張景等四人往國子監診視諸生之
有疾病者遂供役以爲常冬十二月擢監生李
慶署都察院右僉都御史

戊辰洪武二十一年春正月召前學正蘇伯衡至京
師二月會試以伯衡及翰林院編修掌中都國
子監事李叔荆爲考試官三月殿試
上以監生任亨泰廷對第一召祭酒宋訥

褒諭之命撰進士題名記立碑于監門以翰林院
編修李叔荆爲司業夏四月中書科庶吉士解
縉於大庖西上封事言方今六經殘闕而禮記

出于漢儒舛駁尤甚宜及時刪改訪求審樂之
儒作樂經以惠萬世更正太學祀典而闕里仍
建叔梁紇廟贈以王爵配以顏路曾皙孔鯉一
洗歷代之因仍肇起

天朝之文獻豈不盛哉

上以其年少敢言頗納之秋八月雲南囉囉土官祿
肇遣其二子入監讀書

上從其請冬十月令工部于監前別造房百餘間具
竈釜牀榻以處監生之疾病者撥膳夫二十人
給役仍令醫士共居焉

已洪武二十二年春二月初令監生同御史王英
進士齊德照刷文卷夏五月司業李叔荆免秋
七月戊辰

上命禮部召祿肇子阿聶阿智給與夏衣甲戌詣

御前給賜

青苧布圓領綠苧布裕襖白苧布貼裏衫裙褲各二件白綿布卧單二條黑牛

皮鞵各二對皆工部所製

冬十月賜阿聶阿智及雲南生

尹祿等六人冬衣

鞵

祿等四名每名盤纏鈔二錠絳絲衣一套絢綿

被一牀鞵戰各一對阿聶阿智各與鈔二錠令工部製收機圓領絢褲絢綿襪各二件檀戰二雙綿布卧單二條御前賜之皆賜房以居復賜遠方之在監

年深者各鈔五錠年淺者各二錠使自製冬衣

於是北平山西陝西山東廣東廣西四川福建諸生皆與焉是年禮部奏准監生畢姻般取照省親例入監三年者方許

庚午洪武二十三年春正月辛巳降翰林院學士劉三吾爲博士侍講學士葛鉞爲助教以授晉世子經怠惰爲吏部侍郎侯庸所劾故也未幾俱復職二月丁酉祭酒宋訥卒

上甚悼之命禮部致賻諸司致祭仍遣使護喪歸葬有司治墳所過郡邑皆祭又遣行人臨祭于家眷禮特厚生榮死哀開國以來文臣所未有也

詳見

傳本三月乙丑命司業掌監事龔敷與禮部尚書

李原名修撰掌翰林院事黃子澄申定官民服

飾叅酌時宜務存古意原名等定議上凡官員

窄以身爲度文官長自領至裔去地一寸袖長

過手復回至肘袖椿廣一尺袖口九寸公侯駙

馬與文職同耆民儒士生員制同文職惟袖過

手復回不及肘三寸庶民衣長去地五寸武職

官衣長去地五寸袖長去地七寸袖椿廣一尺

袖口僅出拳軍人衣長去地七寸袖長過手五

寸袖椿廣不過一尺窄從之頒示中外庚午給

賜大理監生居房及衣鈔鞞鞞

大理生四人每

圓領貼裏各一件細綿被綿布

夏四月壬戌建

昌衛土官遣子張應等入監讀書給賜如之尋

賜司業龔穀等二十二員夏布各一疋閏四月
壬申吏部奏言監生劉肅已除靖州衛知事未
任欲奔祖父喪而有父在況祖父母伯叔及兄
服俱暮年若一一奔喪守制或一人有五六暮
喪或往迴有八九千里又兼因濟其私非特曠
官誤事抑且有乖禮制難從其請

上命六部都察院通政司等官會議甲戌議上除父
母及祖父母丁憂承重外其餘暮年服制俱不
許奔喪但遣人致祭如擅自離職還家拏問如
律從之五月辛亥日本生入監讀書

上詔工部給賜夏衣與阿聶阿智同

夏布圓領襖褲各三件貼裏短衫裙褲

各三件貼裏三條

秋七月丁未烏撒軍民府土

官遣子忽三等入監讀書戊申給賜衣鈔韉韢

衣被用絨各三件餘同前

壬戌以司業龔燾為祭酒庚午賞

國子監阜隸衣

人各三件

八月芒部軍民府土官遣

子捕駒等入監讀書庚辰給賜如之

絨衣被各二件餘同

前癸未張應等病死賜鈔還其喪九月辛卯烏

蒙軍民府土官遣子以作等入監讀書丁未給

賜如芒部

絨衣被各四件餘同前

仍賜伴送通事鈔人十

錠

芒部通事把事二人共二十錠烏蒙通事一人十錠

尋賜忽三等六十

凡人夾衣綿被冬十月癸亥

上御奉天門謂羣臣曰國子監生員多有家遠無冬

衣貢自直隸者禮部給鈔人各四錠貢自各布

政司者工部製衣被給之人各給綿冬衣一十

二月戊子監生程通言其祖父以罪謫居陝西

年踰七十無他子孫乞放還鄉里俾得就養

上憫其志從之是年命開射圃給監生弓矢

辛未洪武二十四年春正月己丑朔更定國子監官

員數司業監丞各一人癸丑祭酒龔敷坐罪免

敷字文達廣信鉅山人學問該博性行敦實洪

武初以明經任府學教授十三年監察御史葉孟芳高其學行薦至京師會雷震謹身殿欲調和陰陽以數爲四輔官兼太子賓客位列公侯都督之次諭令德合天人以臻至治數爲春官吳源爲夏官其年冬令應時明年春夏頗愆遂與源皆遣歸尋竝見召源先卒數爲博士至祭酒有監生告假還家不以奏聞

上怒其賣放置于法乙卯賜士官生王保等各鈔二錠及衣被鞢鞢二月戊午朔以河間府景州學正胡季安試祭酒季安以儒士舉爲教職入見

上命講孟子稱旨遂用之丙寅以翰林院試編修李
本立爲司業桂陽州藍山縣學訓導雷子良爲
監丞戊辰賜土官生楊仕賢等衣被鞞鞮已巳
禮部奏言會試舉人有過期不及試者

上命與下第者俱送監卒業三月戊子朔

上御奉天門命禮部官曰大誥頒行已久今後科舉
歲貢生員俱出題試之於是行國子監正官嚴
督諸生熟讀講解以資錄用有不遵者以違

制論辛卯以監生許觀會試殿試皆第一

召國子監官褒獎之又諭禮部臣曰琉球國中山

山南二王皆向化者可遷寒官第男子姪以克
國子待讀書知理卽遣歸國宜行文使彼知之
夏四月己未

詔更定侍班官員惟國子監不與止朝朔望得專
施教丁卯會試下第舉人王偁當入監卒業乃
具表陳情言本福建永福縣人有母劉年五十
歲四時風氣病症舉發別無以次人丁乞歸侍
養以俟後科會試是日早于

奉天殿丹陛前進呈禮部以聞己巳

上御華蓋殿早朝命禮部試右侍郎張智放偁還戊

寅舉人監生趙薌李敏復告侍親行文原籍照
勘仍令肄業以竣五月庚寅監生楊恕等五人
啓言父母年老及兄殘疾戶無次丁願回籍侍
養

皇太子令禮部揭籍以聞於是禮部試郎中顏允
昭同戶科給事中盧子安揭照有年甲名字不
同者

皇太子命張禎及恕侍親終養餘令勘報壬寅
賜雲南昌建等處官民生僧保等七十八人夏衣
六月丙辰朔監生金弘復啓言侍親

皇太子命祭酒考試以聞於是試祭酒胡季安及
博士石光霽試以詩義言其頗通仍命都察院
查照蓋監國示不敢自專也甲戌命禮部頒國
子監印本書籍於北方學校己卯復降翰林院
侍講學士葛鈞爲助教秋七月丙戌朔監生程
可久往通政司陳告侍親禮部以其父母俱年
未七十已之發監收管肄業戊子令官吏俸給
毋待月終庚寅烏撒土官生陳都刺等四十五
人還鄉各

賜鈔十錠己酉禮部言監生啓稱終養者四人署

主事趙子芳及戶科給事中畢進揭籍惟李和
鍾玄相同宜如所請其餘仍令肄業於春和門
啓聞

皇太子從之八月乙卯朔初令監生往後湖清查

黃冊

戶部所貯天下黃冊俱送後湖收架委監
察御史二員戶科給事中一員監生一千

二百名以舊冊比對清查如有戶口田糧埋沒
差錯等項造冊徑奏其官員監生合用飲餼器
皿等項并膳夫俱于國子監取用如不敷於都
稅司并上元江寧縣等衙門支撥其後奏准本
監惟供給監生凡官員監生吏卒
人匠等每五日一次過湖曬晾
監生冀榮父母年未七十輒告終養宜勿許繼
自今違者治罪

制曰可

東宮時巡陝西故上復視朝

九月壬寅賜監生王弼等

一千四百八十七人冬衣絮被冬十月丁巳定

生員巾服之制欄衫用玉色絹布爲之寬袖阜

緣阜緣軟巾垂帶

上以學校爲國儲材而士子巾服無異吏胥宜有以

甄別之命工部製式以進

上親視必求典雅凡三易其制始定賜監生欄衫緣

各一以爲天下先由是士子衣冠綽有古風焉

十二月癸酉朔

上命科舉歲貢當定程式壬午試祭酒胡季安與翰

林院學士劉三吾議定以聞

上命禮部頒行天下學校程文格式四條一凡作四

大講不許重官官題其餘文字竝依原定格式
一凡出策題或經或史所問之意須要含蓄不
必明顯其事使答者自詳問意以觀才識
凡對策須要參詳題意明白對答如問錢糧便
言錢糧孰利孰害如問水利便言水利孰得孰
失務在典實不許敷衍繁文遇常開寫題目處
亦止曰云云不必重述一前元科舉尚書專
以蔡傳為主考文傳內如天文一節已自差謬
謂日月五星之麗天也除太陽陽剛象甚為不然夫
日月五星之麗天也除太陽陽剛象甚為不然夫
其形于列宿之間其太陰與五星昭然右旋何
以見之當太清氣爽之時指一宿為主使太陰
居列宿之間一丈許盡一夜則大陰過而東矣
蓋列宿間天舍次定而不動者大陰過東則其
右旋明矣夫左旋者隨天體也右旋者非天體
也又如五星右旋為順行左旋為退行其順行

之日常多退行之日問有若依蔡氏之說則退
行多而順行少豈理也哉斯皆乾象昭然有目
之所共見蔡氏不知天文妄爲異說以致愚惑
後世之愚儒謀士又皆誦習紙上之文莫有能
仰觀天象以究其非者若不革正有誤方來今
後學尚書者又如此節當依朱氏詩傳十月之
交註文爲是又如此節內惟天陰隲下民相協
厥居一節蔡氏但以天言孰不知陰隲下民乃
天之節節相協厥居乃人君之事天之陰隲下
者何風雨霜露均調四時五穀結實立烝民之
命此天之陰隲也君之相協厥居者何敷五教
五典以教民以五刑而弼教保佑和洽使強不
得凌弱衆不得暴寡而各安其邑也若如蔡氏
之說則相協之事皆附之天而人君但晏安自
若于奉天勤民之政畧不相與又豈天佑是年
下民作之君師之意哉今後當依此說

選監生有練達政體者得方文等六百三十九

人

命行御史事稽覈天下百司案牘

壬申洪武二十五年春正月癸未朔

上御奉天殿朝賀大宴羣臣命胡季安真拜祭酒侍
坐殿上己丑初令典簿廳會計紙劄之數二月

甲子

詔祭酒胡季安與翰林院官考定六藝以禮有職

掌樂當別議惟定射及書數以聞三月庚寅頒

射及書數總目于國子監

凡三條一射凡府州縣儒學生員遇朔

望于射圃先立射鵠置射位初三十步自後累至九十步射用四矢二人為耦各以次相繼長官為主射中的賞酒三爵中采賞二爵司射射畢自下而上其間暇日習射不拘此禮

員每日習書務依古人法帖寫習精限五十字
以上一數凡生員每日務要習學篆法必由
乘因加歸除減乙未擢建寧府學教授周斌爲
精通九章之數
中都國子監司業夏四月初今天下府學歲貢
二人州學二歲貢三人縣學每歲貢一人入監
明年如常六月司業李本立有罪免秋七月擢
監生師達墨麟等爲監察御史夏原吉爲戶部
主事九月己亥典簿廳移文應天府卹監丞雷
子良之喪給棺以殮冬十一月日南至
賜祭酒胡季安等官吏監生一千二百九十三人
各鈔一錠尋定國子監品階勲祿祭酒從四品

勳贊治少尹階初授朝列大夫陞授朝議大夫
加授朝請大夫祿月米二十一石司業正六品
階初授承直郎陞授承德郎祿月米一十石監
丞正八品階初授迪功郎陞授修職郎祿月米
六石五斗博士助教典簿階初授迪功佐郎陞
授修職佐郎祿月米六石學正正九品階初授
將仕郎陞授登仕郎祿月米五石五斗學錄典
籍從九品階初授將仕佐郎陞授登仕佐郎祿
月米五石掌饌未入流祿月米一石二斗是年
琉球國初遣官生人悅慈等入監讀書

賜土官生阿聶等炭各百斤

癸酉洪武二十六年春正月辛亥令監生願還家讀書依親者聽三月四川土官來寧宣撫司選貢生員楊惠告不通經學難以考試

上命勿試卽送監讀書夏四月壬辰以大名府滑縣學訓導宋復祖爲司業復祖故祭酒訥之仲子也秋七月乙卯言官劾祭酒胡季安受外夷子入學束脩季安請罪

上察而宥之丙辰禮部以監生陳傳在監三年告歸畢姻移文覈實始如例行之八月

賜琉球官生人悅慈等四人羅木九月

萬壽聖節賜師生官吏人各鈔一錠冬十月壬辰

詔祭酒胡季安選監生年三十以上能文章者三

百四十一人命吏部除授教諭等官十一月壬

寅朔

賜琉球雲南官生賀段志舟等襲鈔錠十一月賜

十斤十二月賜日是年華中都國子監召司業

周斌還京師併其監生入監

甲戌洪武二十七年春正月辛亥以中都國子監司

業周斌爲齊府左長史乙卯監生趙孝先陳情

言父戌京師年老病篤願以身代懇于祭酒胡季安轉奏不許乃言于禮部以聞

上從其請孝先詣監告辭季安有愧色三月庚子朔詔祭酒胡季安撰進士題名記二碑壬寅舉人楊相中副榜當授教職時年十六其父思貽奏言臣之子相年與學皆未可爲人師幸俾臣歸教之禮部以聞

上可其奏歸後仍令入監讀書時監生常數千人季試相屢占第一夏四月丙戌

召編修致仕張美和博士致仕錢宰助教致仕斷

觀定正蔡氏書傳令行人馳

詔徵之秋七月丁卯監生項子振病歿于後湖典簿廳移文應天府給棺殮之八月癸酉

賜琉球官生人悅慈等鈔各五錠乙亥遣監生及人材分詣天下郡縣督吏民修治水利給道里費而行九月

萬壽聖節賜師生官吏人各鈔一錠巳酉書傳會選成先是

上觀蔡氏書傳日月五星運行與朱子詩傳不同及他註亦有未安者遂徵張美和錢宰等至

上諭以訂正之意且曰爾等亦知天象乎皆對以不知

上曰朕每觀天象自洪武初有黑氣凝于奎壁乃文章之府朕甚異焉今年春暮黑氣始消文運興矣爾等宜有所述作以稱朕意於是開局翰林院命學士劉三吾領其事各賜以綺繒衣被等物御製詩

命賡和之朝參則班于侍衛之前燕饗則賜坐殿中嘗令有年老願歸者先遣之衆皆願留至是書成三吾率諸儒上進命禮部刊行天下

賜諸儒宴及鈔俾馳驛而還冬十月定膳夫一百
二十名以法司犯笞杖者充之一百名專給飲
饌二十名以治菜圃尋有斃者移文禮部補之
十一月甲申監生張振奏言戶本里長無丁乞
歸應役

上從之令役畢復監是年賜監生有家屬者袁斌等
六百五十二人各鈔五錠監生趙麟以誹謗師
長伏誅命植長竿于監前梟令示衆

乙亥洪武二十八年春正月甲寅頒趙麟誹謗榜冊
及警愚輔教二錄于國子監秋八月己丑大理

民生李文中奏請還鄉挈家禮部以聞

上從之冬十月壬寅

賜雲南生楊敬等襲衣禮部奏言京官衆多朔望
賜食光祿司難辦宜罷之惟

聖節冬至正是饗胙之日如例其監生亦每月朔
望朝參若遇雨雪泥潦並停

制曰可十一月日南至賜國子生筵宴于本監歲
以爲常

丙午洪武二十九年春三月壬戌祭酒胡季安坐胡
惟庸逆黨得罪免丙寅

命學正吳啓署祭酒博士楊淞署司業學錄張毅
署監丞事

上面諭之曰太學國家育材之地天下人材所聚爲
之師者不專務記問博洽在乎檢身飭行守道
尊嚴使之敬慕口化于善則賢才衆矣蓋師嚴
則道尊道尊則德立昔胡翼之爲太學師嚴條
約以身先之此最可法壬申行人司副楊砥言
孔子廟廷從祀諸賢皆有功世教若漢楊雄臣
事賊莽忝列從祀以董仲舒之賢反不與焉事
干名教甚爲乖錯宜黜雄進仲舒則祀典明矣

上納其言命去雄祀仲舒夏四月辛亥琉球官生賀
段志每自言入監三年例當省親壬子禮部以
聞從之甲寅署監事吳啓言國子師生例以學
優劣分隸六堂邇來皆無甄別高下不分無以
激勸宜考第如例

上令魏國公徐輝祖及禮部翰林院官同詣監考試
仍令吏部以次錄用母使淹滯六月壬寅初令
監生年長者分撥諸司歷練政事秋七月吳啓
免以署司業楊淞爲祭酒九月

萬壽聖節賜國子生筵宴于本監冬十一月丙寅

監生舒仲誠言欲護兄喪歸葬通政使司以聞從之是年歲貢生員有懷挾者令覆試送監

丁丑洪武三十年春正月甲寅朔賜國子生筵宴乙卯琉球國官生六里麻奢理病沒禮部行文應天府給棺以殮

上命焚化函其骨俟其國人至歸之辛未詹事府右春坊司諫袁實建言太學者風化之源英材所萃師生出入正道自國學至珍珠橋狹隘污穢乞命工部相度開道便其往來從之二月擢監生盧祥爲刑部郎中夏四月

賜監生夏布大小人五疋其家屬人二疋五月祭酒楊淞坐罪免初監生張鑑等居廊房二十間歷事以事逐去

上命北城兵馬司封鑰淞輒令監生孫介輩居之以奏聞坐是得罪淞南康建昌人少遊郡學通五經郡守以經明行修舉擢翰林院侍書遷博士署司業最有時名及正師席亦能其官然年老性急遂掇禍云秋七月甲子命太常寺丞張顯宗署祭酒事翰林院修撰韓克忠署司業事行人匡顯鄧彥質蔣祺張庸許子模周鐸王禮

署助教事已已與禮部增定監規二十七條以聞
士申

上御奉天門顯宗克忠師生一千八百二十六人見
上戒諭諸生曰昔宋訥爲祭酒嚴肅善教以得朝廷
得人近年老儒爲祭酒學規日壞生徒全不務
學用之僨事今署事者增定規條敢有抗違奏
聞重治若有似前貼匿名帖誹謗師長者梟令
監前徙家煙瘴著爲令又令監生省親等事量
道路遠近定其在途往還月日每日水路一百
里陸路六十里於是禮科給事中王燧奏定直

隸限四閱月河南山東江西浙江湖廣限六閱月北平兩廣福建四川山西陝西限八閱月其住家月日省親三閱月畢姻兩閱月送幼子還鄉一閱月丁憂照官員例不計閏俱二十七月凡過限兩月以上者送問復監是時顯宗復疏便益數事首及于此故

上亟行之八月賜琉球官生人悅慈等三人羅衣各一襲冬十一月署祭酒張顯宗以違限監生李從新等二百一十七人比例擬奏以聞復定四川兩廣福建過一年之上北平山西陝西湖廣

半年之上浙江山東河南江西五閩月之上直隸三閩月之上皆發充吏禮部奏聞發遣其限外不及一月有患病文憑者送監免問已而禮部據監生傅崑送幼子還鄉魏文禮畢姻皆劄付本監照例定限行之是年本監以坐堂人少誠恐諸司再取辦事不敷移文禮部及聞于上令歲貢照二十五年例於是入監遂衆

戊寅洪武三十一年春正月己巳署祭酒張顯宗以違限監生龍友諒等二百二十人依例分豁以聞

上曰是皆無志者雖使讀書亦不成矣命吏部銓除
遠方典史以困役之夏四月置磨坊于監前因
後湖水以銅閘啓閉署祭酒張顯宗所經畫也
秋七月乙亥顯宗真拜祭酒奏請開通成賢街
正路分布號房從之丙子以張智爲司業王紳
爲博士九月己亥司業張智奉

命代祀先師孔子于闕里冬十一月戊子壽州學
訓導劉亨應詔疏言國子祭酒品位不當在太
僕卿下

上頗納其說後惟陞監丞爲堂上官是月日南至以

國喪罷宴賜國子監官菌繹及監生鈔錠有差

巳卯洪武三十二年即建文元年今仍紀洪武號春二月丙寅纂

修

太祖高皇帝實錄博士王紳與焉夏五月己亥以大
同府學訓導王達爲助教六月乙巳錄吳黻爲
國子生散父湖廣行省叅政雲死節于雲南者
也褒卹忠節蔭子入監自此始秋九月戊辰朔
助教鄒緝有罪

詔宥之冬十月革學正學錄增助教一十七人

庚辰洪武三十三年即建文二年今仍紀洪武號春正月監丞王

峻用陳情省親從之

王紳送行詩有日日麗赤城斑袂舞雲橫蒼嶺錦衣

回三月詔副榜舉人年二十五以下願復入監者聽時舉人監生徐細觀援楊相事例自陳命禮部定議遂著爲令夏六月辛酉復乙字庫吏麥穎爲舉人監生初穎入監告取家屬還廣東違限充吏至是陳情乞恩命翰林院考試中式乃復之冬十月庚子定監生歷事考覈法初洪武中歷事監生隨本衙門司務分勤謹平常才力不及奸頑等用引奏勤謹者仍歷俟闕官以次取用平常再歷才力不及送監讀書奸頑充

吏至是定監生歷事各衙門者一年爲滿從本衙門考覈分上中下三等引奏上等不拘選用中等下等仍歷一年再考上等者依上等用中等者不拘品級隨材任用下等者回監讀書十

二月丙午博士王紳卒

見本傳

辛巳洪武三十四年

即建文三年今仍紀洪武號

春三月丁丑祭

酒張顯宗奏言監生違限有三年之上者例得典史故逃曠自恣乞懲之

上命仍充吏役秋七月以前進士陳迪爲助教冬十一月庚子以修史官崇仁縣學訓導羅恢爲學

錄

壬午洪武三十五年

卽建文四年今仍紀洪武號

春正月壬寅以

祭酒張顯宗爲工部右侍郎往江西招集丁壯
募民出粟夏六月復爲祭酒

文皇帝卽位顯宗與司業張智皆歸附秋七月癸未
詔復洪武官制監丞仍舊屬官復設學正學錄壬
辰以助教鄒緝爲翰林院侍講己酉郭信之等
一十九人告稱俱由監生爲因給假丁憂等事
違限發充吏役今後改過復監讀書禮部以聞
上命仍爲吏辛亥祭酒張顯宗據禮部劄付四川馬

湖府沐州民生張沂入監三年例當省親移文
應天府給引還鄉八月癸丑

上以天下耆民皆來朝諭禮部臣曰方今秋成之際

有妨收穫分遣監生牟坤張繼善唐寃教惟善

卽所在榜諭止之

牟坤從滁州比號直抵河南
張繼善從鎮江北號直抵浙

江唐寃從揚州比號直抵山東教惟善從和州
比號直抵江西皆沿途令官司出榜于要路曉

諭丁巳遣官釋奠于先師孔子自是歲以爲常

庚申擢監生丁琰姚山林從李晟爲給事中九

月辛巳朔五軍都督府行禮部儀制司取監官

撰表謝恩衆推助教陳璉以往庚寅謫張顯宗

戊興州以建文中嘗募兵江西爲軍卒執告故也顯宗字明遠汀州寧化人洪武辛未進士及第居家有孝行從政通敏及爲祭酒首疏便益數事申明學規修舉百廢紀綱一新後起爲交趾布政使勞來撫綏克盡其職數載卒于官丙辰擢監生王孚陳禮朱肇何海陸禎王政姚烱阮琰姚伯善爲給事中冬十一月庚子禮部奏請申明學規榜示國子監有放肆不遵怠慢無禮者照榜究治從之十二月甲寅修復舊制

上命禮部取監生四十人書寫榜文事竣復監是年

博士黃彥清坐姦黨誅以在駙馬都尉梅殷軍
中私謚建文獲罪逮其宗親從子貴池縣典史
金蘭等繫獄及殷言彥清初不在軍中金蘭等
乃釋後金蘭遷至知縣

上之仁義竝行如此

南離志卷第一